

## **BASES PARA A SELECCIÓN URGENTE DE SOCORRISTAS ACUÁTICOS EN RÉXIME LABORAL TEMPORAL PARA O SERVIZO DE VIXILANCIA DAS PRAIAS DO MUNICIPIO 2015.**

### **PRIMEIRA.- OBXECTO**

O obxecto desta convocatoria é a selección urgente por vacantes con motivo de renuncias de aspirantes seleccionados para a contratación laboral temporal de socorristas para atende-las necesidades propias da época estival.

A modalidade contractual será a dun contrato de duración determinada por obra ou servizo, prevista no art. 15 a) do Estatuto dos Traballadores.

### **SEGUNDA.- CARACTERÍSTICAS E DURACIÓN DO CONTRATO.**

A duración do contrato será, por obra ou servizo, prevista no art. 15 a) do Estatuto dos Traballadores. Duración condicionada por as necesidades do servizo, a existencia de crédito e das axudas que poidan outras administracións conceder.

### **TERCEIRA.- RETRIBUCIÓN.**

A retribución será a que fixe o vixente Orzamento Municipal do exercicio do ano actual (2015), incluída a parte proporcional das pagas extraordinarias e os complementos que se estimen conforme a lexislación laboral vixente. Non será inferior a 1.001,63 euros brutos o mes por tódolos conceptos para un traballador a xornada completa. (Grupo equivalente a funcionario C2 e nivel CD12).

### **CUARTA.- SELECCIÓN DOS ASPIRANTES.**

A selección farase por orde da puntuación acadada. A selección en canto os requisitos e procedemento selectivo, figura no ANEXO I. O chamamento dos socorristas farase en función das necesidades do servizo.

### **QUINTA.- PRESENTACIÓN DE INSTANCIAS, DOCUMENTACIÓN E REQUISITOS.**

Presentación de instancias para :

As instancias irán dirixidas a Sr. Alcalde – Presidente e se presentarán no Rexistro Xeral do Concello de Sanxenxo **ata o día 04 de xullo de 2015**. Nas instancias farase constar que reúnen todos e cada un dos requisitos esixidos nestas bases, achegando o modelo de instancia, debidamente cumprimentada e que se pode recoller no Concello ou na páxina web **(NON SE FARÁN COPIAS NO CONCELLO)**:

Documentos precisos para concorrer a selección\*:

- 1) Fotocopia do DNI.
- 2) Certificado médico oficial ou informe de saúde (ámbolos documentos ORIXINAIS) acreditativo de non padecer enfermidade ou minusvalía que impida exercer-la función propia a desenrolar.
- 3) Currículo con fotografía recente, facendo constar os títulos, méritos e experiencia..
- 4) Copia cotexada do título ou declaración ou certificado de estar en condición de obtelo título esixido nas bases da convocatoria para cada praza antes da sinatura do correspondente contrato.
- 5) Documentación xustificativa que acredite o rexistro do aspirante no Rexistro Profesional de Socorristas Acuáticos de Galicia como socorrista en espazos acuáticos naturais (Decreto 104/2012, do 16 de marzo).
- 6) Copia do xustificante de ingreso da taxa de dereitos de exame, ou copia da tarxeta de demandante de emprego en vigor.

Os aspirantes deberán reunir os seguintes requisitos:

1. Ser español, dalgún dos estados membros da U.E. ou dalgún daqueles estados os que en virtude dos tratados internacionais celebrados pola U.E. e ratificados por España sexa de aplicación a libre circulación de traballadores, ou estranxeiro residindo en España coa documentación regulamentada para poder traballar.
2. Ter 18 anos e non exceder de aquela na que falten menos de 10 anos para a xubilación forzosa.
3. Estar en posesión do título de Graduado Escolar ou equivalente.
4. Non ter sido separado, mediante expediente disciplinario, do servizo de calquera das Administracións Públicas, nin atoparse inhabilitado para o exercicio das funcións asignadas a praza convocada.
5. Figurar como socorrista no Rexistro Profesional de Socorristas Acuáticos de Galicia (Decreto 104/2012, do 16 de marzo), como socorrista en espazos acuáticos naturais.
6. Estar en condición de obtelo título esixido nas bases da convocatoria antes da sinatura do correspondente contrato.
7. Ter ingresado na conta bancaria de Nova Galicia Banco nº ES 12 2080 5061 45 3040005803 a cantidade de 7, 73 euros fixada como dereitos de exame, na ordenanza municipal publicada no BOP de 15 de decembro de 2011. Aqueles aspirantes que presenten copia da tarxeta de demandante de emprego en vigor estarán exentos do pago dos dereitos de exame.

Todos os requisitos anteriores deberán posuírse no intre da presentación das instancias e gozar dos mesmos durante o procedemento de selección, así como en cada suposto nos que os/as seleccionados/as sexan requiridos/as para prestar os seus servizos neste concello.

**\*DEBIDO A URXENCIA DA CONVOCATORIA AQUELES ASPIRANTES QUE PRESENTASEN A DOCUMENTACIÓN E FORAN ADMITIDOS NAS CONVOCATORIAS DE ABRIL E XUÑO NON TERÁN QUE APORTALA, SEMPRE E CANDO CONTINÚE CUMPRINDO OS REQUISITOS E QUE ASI O MANIFESTE NA INSTANCIA,**

**EN TODO CASO**

- **DEBERÁN APORTAR COPIA ACTUALIZADA DA TARXETA DE DEMANDANTE DE EMPEGO OU XUSTIFICANTE DE PAGO DE TAXAS ACTUAL.**
- **O CERTIFICADO MÉDICO OU INFORME DE SAÚDE NON PODERÁ TER DATA DE EXPEDICIÓN ANTERIOR A ABRIL 2015.**

**SEXTA.-CELEBRACIÓN DAS PROBAS SELECTIVAS.**

Realizarase na data seguinte:

**Martes 07 de xullo de 2015.**

Mañá:

**Lugar – Pazo Emilia Pardo Bazán – Miraflores (Imprescindible presentación do DNI).**

8:30 h. Exames teóricos (tódolos aspirantes).

**Lugar: Praia de Silgar (Imprescindible presentación do DNI, e aletas para face-la proba física).**

09:30 h. Probas Físicas, aos aspirantes a Socorristas Acuáticos.

**SETIMA.-TRIBUNAL CUALIFICADOR.**

**Presidente:** Luís Ángel Sabariz Rolan, tesoureiro municipal do Concello de Sanxenxo.

**Secretario:** Celestino Otero Camiña, adxunto a intervención.

**Vocal:** Jesús López Rodríguez, Licenciado en Ciencias do Deporte. Funcionario de carreira da Xunta de Galicia.

**Técnicos / asesores :**

Carlos Granjel Dios. Técnico de emprego e persoal.

Jose Antonio Folgada González. Especialista en emerxencias / protección civil.

Sanxenxo a 01 de xullo de 2015.

O alcalde,

Gonzalo Gonzalo Pita.

## ANEXO I - (Base específica) SOCORRISTAS ACUÁTICOS

A selección realizarase por oposición, valorándose:

- Oposición: A puntuación máxima, corresponderalle a nota máxima, que é de 10 puntos.

No suposto de empate nas puntuacións totais finais de dous ou máis aspirantes, este resolverase tendo en conta a maior puntuación obtido no fase de oposición, de non ser posible atenderase a puntuación obtida na fase de concurso. De persistir o empate este resolverase por sorteo.

Valoración probas fase oposición:

- Exame: 50% - Máximo 5 puntos.
- Probas prácticas (físicas): 50% - Máximo 5 puntos.
- Proba entrevista (de carácter opcional), a decidir por o tribunal e no caso de empate: Apto / Non apto.

**Requisitos específicos:** Ter algunha das titulacións seguintes.

- Técnico medio de socorrismo en espazos naturais.
- Técnico en Salvamento Acuático e Primeiros Auxilios (FESS, FESSGA ou IDISSA).
- Socorrista Acuático da Cruz Bermella.
- Outros títulos en salvamento acuático.

### **TEMARIO**

1. Realización dun exame tipo test e/ou un suposto práctico, tendo en conta o temario que se relaciona a continuación. A puntuación final será sobre un valor entre 0 e 10, estando o aprobado nun 5.

#### Temario Primeiros Auxilios:

- Tema 1: Pautas xerais ante un accidentado.
- Tema 2: Valoración dun accidentado.
- Tema 3: Reanimación cardio-pulmonar.
- Tema 4: Arterioesclerosis-aterosclerosis.
- Tema 5: Hemorragias.
- Tema 6: Feridas.
- Tema 7: Traumatismos e politraumatismos.
- Tema 8: Shock.
- Tema 9: Cadros convulsivos.
- Tema 10: Trastornos pola calor.
- Tema 11: Lesións e trastornos polo frío.
- Tema 12: Intoxicacións pola vía dixestiva.
- Tema 13: Picaduras e mordeduras.
- Tema 14: Intoxicacións por drogas.
- Tema 15: Transporte de accidentados.
- Tema 16: Asfixias.

#### Temario Salvamento Acuático:

- Tema 1: Principios xerais do salvamento acuático.
- Tema 2: Secuencia de actuación no salvamento acuático.
- Tema 3: Técnicas de entrada na auga.
- Tema 4: Flotacións:
- Tema 5: Técnicas de nado adaptadas.
- Tema 6: O buceo.
- Tema 7: Técnicas de control e zafaduras.
- Tema 8: Técnicas de remolque directas.
- Tema 9: Técnicas de utilización do material de rescate.
- Tema 10: Técnicas para o rescate de accidentados de columna.
- Tema 11: Técnicas de respiración artificial no medio acuático.
- Tema 12: Técnicas de extracción de accidentados.
- Tema 13: O salvamento acuático en espazos naturais.
- Tema 14: Comunicacións.

2. Realización dunha proba física, que terá unha valoración de 0 hasta 10 (suporá un 50% da nota final da oposición). A proba de mar, consistente en percorrer o seguinte:

#### **PROBA**

- 200 m. carreira pola area co material de salvamento (aletas),
- Entrada a auga e nado duns 800 m. co material de salvamento.
- Chegar á area e percorrer uns 200m. co material de salvamento.
- \* As distancias poderán variar en función do estado da mar.
- O tempo contarase a partires do primeiro aspirante a pasar pola meta.

Tempo	Protos*
1º clasificado	10
+0'20"	9
+0'40"	8
+1'00"	7
+1'20"	6
+1'40"	5
+2'00"	4
+2'20"	3
+2'40"	2
+3'00"	1
+3'20"	0

- *Para as mulleres a puntuación comezará co tempo do primeiro clasificado + 10%.*
- **Cada aspirante terá que traer as súas propias aletas para a realización da proba.**

3. Realización de proba oral (de carácter opcional, a decidir por o tribunal) consistirá na realización dunha entrevista curricular, a cal se irá provisto dos orixinais ou copias cotexadas dos títulos alegados. Consultarase dispoñibilidade dos traballadores, preferencias de postos, cuestións relativas ós currículos dos aspirantes.

A puntuación final será Apto ou non apto.

**A puntuación final da oposición será sobre un valor entre 0 e 10.**